



Sancti Hieronymi Stridoniensis Operum, Tomi ...

Continens Commentaria In Matthaevm, Et Epistolas Pavli Ad Galatas, Ad Ephesios, ad Titum & Philemonem, & librum Didymi de spiritu sancto a Hieronymo versum ... Ad Fidem Vetvstissimorum Exemplarivm, Dvcentis Circiter Svblatis Erroribvs Emendata

Hieronymus, Sophronius Eusebius

Coloniae Agrippinae, 1616

Procemivm.

[urn:nbn:de:hbz:466:1-75102](https://nbn-resolving.org/urn:nbn:de:hbz:466:1-75102)

E nostro sermo processit: Quotiens veiò loquimur aut non in tempore, aut importuno loco, aut non vt conuenit audientibus, totiens sermo malus procedit de ore nostro ad destructionem eorum qui audiunt. Consi-deremus itaque quid loquamur, quia pro omni otioso verbo redditori sumus rationem in die iudicii. Et etiam si non lædamus, non tamē edificemus, mali verbi nobis luenda sit pena.

Mat. 12. c
Luc. 19. f
Mich. 7. a
Sic. 70.

deplorat, dicens: *Heu mihi anima quia periji reuerens à terra: & qui corrigat inter homines non est.* Omnes in sanguine iudicantur. Et in Ezechiele opera quondam sanctæ ciuitatis enumerans, ait: *In omnibus istis contristabas me.* Signati autem sumus spiritu dei sancto, vt & spiritus noster & anima imprimantur signaculo Dei, & illam recipiamus imaginem & similitudinem, ad quam in exordio conditi sumus. Hoc signaculum sancti spiritus, iuxta eloquiū Saluatoris, Deo imprimente signatur. *Hunc enim,* ait, *signauit*

G
Ezech 16 c
Sec. 70
καὶ ἐκτύπησεν
μὲν τὰς
θύρας.

procedat: sed si quis bonus ad adificationē oportunitatis, vt det gratiam audientibus. Et nolite ^a contristare spiritum sanctum Dei, in quo signati estis in die redemptionis.

pater Deus. Signator ergo à patre, spiritu sancto, omnis, qui ex eo quod credidit Deo, signauit, quia verus est Deus. Qui iccirco signatur, vt feruet signaculum, & ostendat illud in die redemptionis purum atque sincerum, & nulla ex parte mutilatum, & ob id numerari cum his valeat, qui redempti sunt.

Ioan. 6. c

Commentarij secundi in epistolam ad Ephesios finis.

**DIVI HIERONYMI PRESBYTERI
IN TERTIVM LIBRVM COMMENTARIORVM
AD EPHESIOS, AD PAVLAM, ET
EVSTOCHIVM.**

PROOEMIUM.



ATIS abundeque, ó Paula & Eustochium, de argumento epistolæ Pauli ad Ephesios, in primi libri præfatione disse- rui, & sparsim, vbicunq; occasio data est, licet breuiter, ostēdi, quod beatus Apostolus ad nullam ecclesiarum tam mystice scripserit, & abscondita sæculis reuelauerit sacramenta. Nunc ergo, quoniam orationum vestrarum, & sanctæ Marcellæ fultus auxilio, tertium, id est, extremum, in eandem epistolam dicto librum, iustum mihi videtur, vt nominis quoque ipsius etymologiam cum sensu, quem supra exposui, congruere doceam. Ephesus in Latinam linguam interpretatur voluntas, siue consilium meum in ea, vel certe anima mea in ea. Voluntas & consilium & anima Dei in eo est, qui potest dicere: Ipse enim mihi dedit notitiam omnium, & cum incerta & occulta sapientiæ Dei illi fuerint reuelata, testimoniū consequetur loquentis: Inueni Dauid de Bethlehē filium Iesse, virum secundum cor meum, qui faciat omnes voluntates meas. Istiusmodi virum & Osee propheta significat, dicens: *Quis sapiens, & intelliget hæc, prudens & agnoscat ista?* Porro vt sciatistis multam esse distantiam iusti simplicis iustiq; sapientis, qualem in resurrectione mortuorum singuli gloriam consequantur, attendite. *Et multi dormientium de limo terræ exurgent: hi in vitam æternam, & hi in opprobrium, & confusione[m] æternam.* Et intelligentes fulgebunt sicut splendor firmamenti, & ex iustis multi sicut stellæ in æternum. *Fulgebunt, inquit, iusti sicut stellæ in æternum, & intelligentes, id est, habentes scientiam scripturarum, sicut splendor cæli.* Non quo doctus vir, iustus quoque esse non debeat, sed quo qui iustus est, nisi fuerit eruditus, tā procul sit à sapiente iusto, quam est stellarum fulgor à lumine firmamēti. Quod si quis meditatione tantum legis instructus, vitam suam negligit, neq; audet dicere: *A mandatis tuis intellexi, propterea ad omnia manda-*

tata dirigebar: iste quasi aramentū sonans, & cymbalum tinniens, & infatuatum sal, in stercore conculcandus est. Si autem detur optio singulorum (seposito eo qui habet sapientiam atque iusticiam) magis ego velim rusticitatem iustam, quam doctam malitiam. Quia in altero licet minor, tamen gloria est, stellarum esse lumini coæqualem: in altero iuxta scientiæ profectum, maiora supplicia sunt. *Potentes quippe potenter patientur tormenta.* Et: *Seruus qui scierit voluntatem domini sui, & non fecerit eam, vapulabit multis.* Hæc iccirco vt docerem, quare animam & consilium, & voluntatem Dei, Ephesiorum vocabulum sonet, qui artium magicarum præstigijs derelictis, erroris zelum ad veritatis studium transtulerunt. Ob quorum salutem tanto Paulus sudore pugnavit, vt ad Corinthios scriberet: *Si secundum hominem ad bestias pugnaui Ephesi, quid mihi prodest, si mortui non resurgunt? Quæ sunt istæ bestiæ? Nempe illæ, de quibus psalmista precator, dicens: Ne tradas bestijs animam confitentem tibi.* Et in alio loco: *Increpaueras calami.* Aduersarius enim noster diabolus tanquam leo rugiens circueit, qui cum cerneret principem Asiæ ciuitatem ad doctrinam Pauli de faucibus suis eripit; totis satellitum suorum agminib. congregatis eum opprimere nitebatur, & improbe se extollens, volebat quasi aquila ponere super illum nidum suum. Quod Apostolus sentiens, & omni custo dia seruans cor suum (quippe qui eius non ignoraret astutias) post victoriam quidem, sed non in cruetam victoriam, loquebatur. *Non enim volumus vos ignorare fratres de tribulatione nostra quæ facta est nobis in Asia, quoniam supra modum grauati sumus supra virtutem, ita vt taderet nos etiam viuere.* Quod autem per Tychicum epistola mittitur, valde eiusdem epistolæ congruit sacramentis. De quibus & noni psalmi titulus prænotatur, *pro arcibus filij.* Tychicus enim silens interpretatur, non proiciens margaritas ante porcos, nec dans sanctum canibus, & libere ad Deum loquens: *In corde meo abscondi eloquia tua, vt non peccem tibi.*

H
Sap. 8. n
Luc. 12. f

1. Cor. 15. a

Psal. 73. d
Ibid. 6. f
1. Petr. 5. l

2. Cor. 16. l

tychicus.

Psal. 118. b

M.

F

חבצית
Sap. 7. c
חבצית
Psal. 50.

Os. 13. d
Os. 14. d
Sic. 70.

Dan. 12. b

Psal. 118. n
Ibidem q

HIERONYMUS
VI. 7. 8.